

Tortolì. Laboratòriu lùdicu-didàticu in limba sarda in Orrì



Lunis 28 de argiolas, s'Ufitziu Limba Sarda de su Comunu de Tortolì s'at a iscostiare in sa localidade de Orrì pro realizare unu laboratòriu lùdicu-didàticu pro is pipios de sa ludoteca istadiale, gestida dae sa cooperativa sotziale Bimbo Club. Sa faina, intitulada “Sa Stadda”, at a tènnere cumintzu a is oras 9:30 e s'at a articolare in tres momentos: Una parte creativa, in ue is pipios ant a colorare disinnos cun is animales de istadda. Una parte musicale, ue ant a imparare sa cantzone “Tzia

Maria”, versione in sardu de sa famada “Nella Vecchia fattoria”; Una parte lùdica, cun giogos a s'abertu cun is caddos de canna, chi ant a permìtere a is pipios de s'ispassiare e si mòvere in manera lìbera.

S'initiativa est gratùita e faghet parte de is fainas de su progetu "Tortolì Genna de s'Ogliastra 2", promòvidu dae su Comunu de Tortolì e finantziadu dae sa Regione Autònoma de sa Sardigna cun is fundos de sa Lege 482/99 e de sa L.R. 22/2018 pro s'amparu e sa valorizatzione de sa limba sarda.